

四年級唐詩檢核詩句(上)

1. 桃花谿

張旭

隱隱飛橋隔野煙，
石磯西畔問漁船。
桃花盡日隨流水，
洞口清谿何處邊？

2. 無題

李商隱

昨夜星辰昨夜風，
畫樓西畔桂堂東。
身無彩鳳雙飛翼，
心有靈犀一點通。
隔座送鉤春酒暖，
分曹射覆蠟燈紅。
嗟余聽鼓應官去，
走馬蘭臺類轉蓬。

3. 嫦娥

李商隱

雲母屏風燭影深，
長河漸落曉星沈。
嫦娥應悔偷靈藥，
碧海青天夜夜心。

4. 寄李儋元錫

韋應物

去年花裡逢君別，
今日花開又一年。
世事茫茫難自料，
春愁黯黯獨成眠。
身多疾病思田里，
邑有流亡愧俸錢。
聞道欲來相問訊，
西樓望月幾回圓。

5. 宿建德江

孟浩然

移舟泊煙渚，日暮客愁新。
野曠天低樹，江清月近人。

6. 九月九日憶山東兄弟

王維

獨在異鄉為異客，
每逢佳節倍思親。
遙知兄弟登高處，
遍插茱萸少一人。

7. 子夜四時歌-春歌

李白

秦地羅敷女，採桑綠水邊。
素手青條上，紅妝白日光。
鮮蠶饑妾欲去，五馬莫留連。

8. 子夜四時歌-夏歌

李白

鏡湖三百里，菡萏發荷花。
五月西施採，人看隘若耶。
回舟不待月，歸去越王家。

9. 子夜四時歌-秋歌

李白

長安一片月，萬戶搗衣聲。
秋風吹不盡，總是玉關情。
何日平胡虜，良人罷遠征。

10. 子夜四時歌-冬歌

李白

明朝驛使發，一夜絮征袍。
素手抽鍼冷，那堪把剪刀。
裁縫寄遠道，幾日到臨洮。

四年級唐詩檢核詩句(下)

11.涼州詞

王翰

葡萄美酒夜光杯，
欲飲琵琶馬上催。
醉臥沙場君莫笑，
古來征戰幾人回。

12.彈琴

劉長卿

泠泠七絃上，靜聽松風寒；
古調雖自愛，今人多不彈。

13.望嶽

杜甫

岱宗夫如何？齊魯青未了。
造化鍾神秀，陰陽割昏曉。
盪胸生曾雲，決眴入歸鳥。
會當凌絕頂，一覽眾山小。

14.月夜

劉方平

更深月色半人家，
北斗闌干南斗斜。
今夜偏知春氣暖，
蟲聲新透綠窗紗。

15.望月懷遠

張九齡

海上生明月，天涯共此時。
情人怨遙夜，竟夕起相思。
滅燭憐光滿，披衣覺露滋。
不堪盈手贈，還寢夢佳期。

16.秋夜寄邱員外

韋應物

懷君屬秋夜，散步詠涼天。
空山松子落，幽人應未眠。

17.宿王昌齡隱居

常建

清溪深不測，隱處唯孤雲。
松際露微月，清光猶為君。
茅亭宿花影，藥院滋苔紋。
余亦謝時去，西山鸞鶴群。

18.芙蓉樓送辛漸

王昌齡

寒雨連江夜入吳，
平明送客楚山孤。
洛陽親友如相問，
一片冰心在玉壺。

19.次北固山下

王灣

客路青山外，行舟綠水前。
潮平兩岸闊，風正一帆懸。
海日生殘夜，江春入舊年。
鄉書何處達？歸雁洛陽邊。

20.問劉十九

白居易

綠蠅新醅酒，
紅泥小火爐。
晚來天欲雪，
能飲一杯無？